

Arena Holdings na van'wana v SARS na Kheyisi yin'wana ya le Khoto ya Vumbiwa ya Nomboro 365/21 – mayelana na xihundla xa xibalo na mfanelo yo fikelela vuxokoxoko

Tshwane, 30 Mudyaxihi 2023 – Khoto ya Vumbiwa yi nyiketile ahlulo eka mhaka leyi katsaka xikombelo xo fikelela tirhekhodo tin'wana ta khale ka Phuresidente wa Rhiphabuliki ra Afrika-Dzonga. Xikombelo lexi xi endliwile hi ku ya hi Nawu wa Ntlakuso wa Mfikelelo wa Vuxokoxoko (PAIA) naswona xi ariwile hi SARS eka xiyimo xa leswaku nawu wu alela SARS ku endla hi ndlela yin'wana na yin'wana.

Khoto ya Vumbiwa yi endlile swiringanyeto mayelana na nkavutirhiseki wa swa vumbiwa eka swipimelo swin'wana swa PAIA ku katsa na Nawu wa 28 wa Vulawuri bya Xibalo (TAA). Yi lerisile Palamente, eka 24 wa tin'hwetini leti landzelaka ku anakanya matshalatshala mo lulamisa nkavutirhiseki wa swa vumbiwa. Enkarhini lowu, naswona ku fikela Palamente yi lulamisa nkavutirhiseki wa swa vumbiwa, khoto yi lerisile leswaku PAIA na Nawu wa Vulawuri bya Xibalo, 2011 (TAA) “swi hlayiwa hi ntwisiso wa leswaku milulamiso yaleyo yi endliwa”.

Khoto ya Vumbiwa yi lerisile ku ya emahlweni leswaku xikombelo xa rhekhodo leyi vuriweke xi fanele ku anakanyiwa nakambe hi SARS ehenhla ka swipimelo leswi nga ta hlayiwa hi ntwisiso wa leswaku “milulamiso yaleyo yi endliwa”. Swipimelo leswi swi vula leswaku SARS yi fanele ku anakanya loko:

- Mpaluxo wa rhekhodo wu fanele wu hlavutela vumbhoni bya ntlulo wa nawu wo khomeka wa, kumbe ntsandzeko wo landzelela, nawu kumbe
- Mpaluxo wa rhekhodo wu ta hlavutela vumbhoni bya nxungeto lowukulu no tika eka nhlayiseko wa mani na mani na mbangu, na
- Ntsakelo wa mani na mani eku endleni ka mpaluxo lowu tlulaka mbaviseko

Lokohiletlhelo SARS yi ri ku anakanyeni ka ntirhiso wa ahlulo hi ntalo, Khomixinara u tsakela ku tsundzuxa leswaku xihundla xa muhakelaxibalo xi tshama xi ri xa nkoka eka vulawuri bya hina. Ahlulo a wu veki etlhelo swipimelo swa xihundla xa xibalo. Wu veka mpimo wa le henhla lowu ku faneleke ku hlanganiwa na wona loko mfikelelo wu komberiwa eka tirhekhodo ta xibalo ta muhakelaxibalo.

Khomixinara Kieswetter u ri: ***“Hi hlonipha swiringanyeto swa Khoto, naswona hi le ku tirhiseni ka miehleketo ya hina ku tiyisisa ndzinganyeto eka SARS na vahakelaxibalo. Ndzi tsakela ku tiyisisa vahakelaxibalo hinkwavo leswaku xikombelo xin’wana na xin’wana lexi endliwaka ehansi ka PAIA mayelana na tirhekhodo ta xibalo ta muhakelaxibalo xi ta kambisisiwa hi vurhonwana eka swipimelo leswi vekiweke hi Khoto ya Vumbiwa. Hi fanele ku rindza nxaniso wun’wana na wun’wana wo tlanga eka swipimelo leswi vekiweke hi Khoto ya Vumbiwa.”***

Mayelana na vuxokoxoko byo engetelela u komberiwa ku tihlanganisa na SARSMedia@sars.gov.za